

摛藻堂四庫全書薈要

集部

欽定四庫全書叢要

集部

元詩選二集卷二十四

詳校官編修臣王天祿



欽定四庫全書薈要卷二萬四百五十二

集部

元詩選二集卷二十四 長洲 顧嗣立 編

趙汸東山存豪

汸字子常休寧人師事九江黃澤楚望嚴陵夏溥
大之義烏黃溍晉卿明易象春秋之學至正初臨
川虞學士集見其書深加敬異延致于家未幾歸
築東山精舍隱居著述學者尊之輔元帥汪同起
兵保鄉井授為江南行樞密院都事丙申後結茆

星溪古閭山洪武二年召至京師與修元史既竣事得請還未逾月以疾卒年五十一門人汪蔭及范準先後集其所為詩文得若干卷星源汪仲魯謂予常之詩因感發而形諸詠歌雖不專乎是然長篇短哦亦一字苟為也

題黟令周君儒所藏清溪白雲圖

結屋清溪上白雲與為鄰雲影常在地溪光淨無塵餘暉及山木掩映忘冬春逍遙窗戶間亦足娛心神相望

彭澤宰仕止孰由人忽憶桃花源悠然思問津

悼子琯

無子未嘗憂有子悲不育妙贊世所稀我窮焉得鞠所
嗟百日間奔走無停躅賀者猶在門房中已聞哭汝病
吾不知汝名人已錄我無高飛翼安用煩羈束奉身如
拱璧世亂遭指目禍福來無端每虞連骨肉殤子古稱
壽彼蒼非汝毒勿羨彭與聃貪生恒局促

題米元暉江山小景

滄波浩無津揮手揚帆去迴顧江上山蒼蒼但煙樹結茅傍洲渚豈少垂綸處終然塵迹近未及扁舟趣世運如風飈朝新夕成故白雲何亭亭倏爾天際住寄謝山中人奚為獨多慮

病士

病鷹不忘擊病驥不忘驤病鶴俛不啄仰睇霄漢長惟有病士心死灰不復颺居處終鮮歡起行若痛亡逢人目輒動內惕外周章口雖強諾唯退省但茫茫已疾且

忘療焉知民未康多謝遊談者勉旃思自强是棄果蔬哉為稱充圓方

峽源瀑布

寒峽隱堂隍尋源得飛瀑懸空下千尺飛鳥驚不度雷激丹巖推電穿青山破陰厓排積雪霑雨恒時注我來屬時艱對此忘百慮塵襟欣一洗徘徊不忍去崇山限吳楚避遠誰能顧應有避秦人巖前覓微路

題雲林小隱

杉松冥冥煙霧濕青合雨厓愁壁立方池怪石小窗研
家具圖書芳容膝十年官道暗黃塵錦里蕭條少四鄰
峻嶺截雲天禦暴樵歌一曲斷行人古林先生身種德
芝田蘭畹無荆棘心閒雞犬亦清寧虎張狐妖俱屏迹
木葉歸根蟲閑關雪深半夜失前山兒童挾策莫言冷
信有和陽地底還

浮丘詞

浮丘說詩秦漢間龐眉鶴髮映朱顏適逢偶語幾棄市

又見慢儒來溺冠飄然長往不知處遺跡宛在軒轅山
年穀常豐物無厲石泉一淺薦甘寒

中秋雨分韻得秋字

蓬萊別館天香浮仙家好景惟中秋舉杯邀月不知處
濕雲滿地寒蟬愁大地山河忽破碎蒼茫微影將焉求
盲風怪雨豈終夕中軒坐見寒光流

故人

故人別我秋江涘幾載重逢春夢裏忽觀明月憶高情

愁絕長空三萬里荒山久病莫能興狂風暴雨何憑陵
塵尾呦呦呼厥類雉媒戛戛求其朋

余邨道中寄魯齋

青山並岸如蒼蚪石門翠樹如相穆似與幽人護清境
玉梅翠竹映寒流溪行半日足生蘭水望千迴山百轉
請君處處種桃花莫使重來迷近遠

尉氏讀阮嗣宗詩

明月照北林孤鴻有哀音攬衣起坐彈鳴琴憂思徘徊

獨傷心可憐堂上生荆杞空自緜華榮桃李種瓜寂寞

青

一作東

門外采薇悵望西山址芒碭雲歸大澤空後五

百

一作百五

歲無英雄途窮慟

一作途痛

哭誰

一作無

知者沈湎

狂言元自公

古津渡夜談贈金元忠

相逢歲晚詩更誦燔盡枯槎談愈縱短茨低覆結冰花
寒壓溪雲不成夢竹帛煙銷黔首愚紫芝一曲老商於
坑外竟逃真學士浮邱雅頌濟南書

題碧山圖

嘗愛李太白興來棲碧山山中別有一天地惜無圖畫
留人間誰為碧澄翁久向山中住栽花種柳待春風忽
見新圖識其趣青山淡淡雲離離小橋流水涵清漪抱
琴擇勝可終日安得似汝圖中時韓侯好詩仍好畫嗜
酒不憂官長怪欲圖李白碧山居酒禁方嚴筆如借知
翁有子舊曾遊淡泊無榮心日休圖成漫與翁為壽願
翁長樂無虞憂

觀輿圖有感五首

朝雨茅茨濕披圖羨禹功山河一掌上宇宙九疇中水性惟趨下民生本易窮胼胝豈無事大智與天通

四載勤難繼八年績竟成

一作四履應難辨三河尚可尋

功推城濮雋

澤想召陵深問鼎猶懷惡投龜肯易心向無微管歎孰

憶到于今

轍已環諸夏居身

一作猶

憶九夷難求伐木處尚想饋豚

時夾谷真成謗中年不易知惟存刪述事赫赫起周畿

一
哀

皓首陳王道時君孰可匡

一作當

艱難思稷契容易託齊

梁越豈資冠冕秦方用虎狼空聞歸大老不復見鷹揚

雒邑空南渡東都亦北轍已符前五閏

一作運

空憶後三

元世謂漢唐宋為後三代分合巧相似今昔

一作短長

難等論女真如

拓拔一統位

一作世

中原

江彥明來訪

敲門知有客已謂是君來亂後交游少秋清懷抱開劇

談無可諱信筆不相猜木落山容淨樓居且莫迴

病中和伯友絕糧韻

貌比年加老憂如病轉深風檐驚淅瀝竹徑怯陰森獨立籌家難朋來阻歲祲遠書思過鴈危坐自沈吟

次韻玉琊雲隱圖并序

番陽王本善故居懷玉山之北號曰玉琊雲隱鄉先達進士董公為之記和陽王使君為之賦又得星源韓徵君為之圖余嘗過本善所寓見其淨埽

一室琴書圖畫與弓劍雜前培桂植菊怪石纖蒲
幽潔可愛蓋能審已推分隨所寓而安視竄名尺
籍而有所顧願者不同科也乃次使君韻附于卷
末以釋其幽思云

馬上劒三尺山中雲半間無人尋草迹有虎卧柴關解
甲端陴後懸弓定地還胡為思舊隱畢竟復誰聞

張節婦

家難年方茂時艱志益堅九原無起日一節矢終天逮

下恩猶昔隆師子象賢姓名歸太史墓碣不須鐫

和唐縣尹山居三首

早從上國接英遊晚卧滄江擅一邱無復謝公攜處妓
空餘陶令去時舟千章古木排雲起一派寒泉傍石流
客至不須談世事小亭已扁四宜休

絕無塵土到幽扃手把離騷傲獨醒弁嶺晚來雲自白
六湖春盡草長青沙邊忽復飛鴻鴈屋角隨常鳴鶴鵠
莫對江山重回首乾坤萬古一郵亭

塵事紛紛未有涯一舟聊復信年華閒過角里先生宅
謾訪孤山處士家有酒何曾留俗客無錢猶自買梅花
新詩寫就人先覓醉筆淋漓整復斜

次童以清韻

山城二月百花開喜代元戎報捷來縣小適逢多事日
時危須仗出羣才烏絲寫就雲生沼白紵裁成月滿臺
為有幽期常極目晴空雙鶴自飛迴

除夕贈倪明善程仲元

舊交誰可共殘編亂後相逢意惘然肯伴歲除憐我病
欲傳家學識君賢治身土苴知何晚涉世風帆媿不前
莫歎長鑣逢積雪清談相與度新年

和葉中茂過訪見貽

早識長材歎陸沈逢時況復重南金少年謾說從軍樂
志士長懷報國心已見竒功書幕府每傳佳句到山林
孤燈偶共抽青簡夜雨寒窗感慨深

屏山即事時周明甫來訪

地近仙巖日自長
短牆時度竹風涼
樓頭古木禁秋雨
檻外危峯倒夕陽
高榻坐間金奏響
小橋行近翠盤香
清談况復陪賢達
始信他年未易忘

丙申冬遊黃山

束緼迎門月墮初
同來有客共艱虞
幾年避寇今無地
何處誅茅可結廬
雪虐風饕客路山因瀨
繁野人居一簞肯許同棲
息寂寞殘生不願餘

次韻成大用推官黟縣即事

無復居人接近郊空餘白骨沒青蒿旌旗蔽日軍容壯
營柵排雲地勢高敗屋毀垣迷故邑小溪春漲入空濠
浮邱近有黃山約千斛松肪可釀醪

題九龍菴新樓

樓觀憑虛倚玉臺遠涵空翠絕浮埃瓊璣宵轉星辰近
沆瀣朝盈戶牖開雷劈蒼厓龍起立風翻碧海鶴飛迴
仙家自信春長好應笑西僧辨劫灰

棲真別館贈松高鍊師

一樣惺青林翠欲流尋真勝復

閑

英遊上方道士紅雙頰

別館仙翁碧兩眸絳節朝回瓊島近金丹時就石壇幽

投書欲與鄉人別長伴羣仙駕十洲

贈曹元達子

故人別我今幾秋見爾難禁雙淚流一家寄食悲南國
千騎擁麾雄北州轉戰不知何處在相逢未擬此生休
清門生理依諸舅方長大廢書吾漫憂

省古逸汪先生墓

百年高興太平時喪亂空餘死後悲煙草已墟顏氏巷
雲山猶寫杜陵詩飲冰食檗老逾壯鍛鐵椎金幼已竒

先生年十六賦新竹詩云待成竿後節方露自作筍時心已空又贈人云椎金鍛鐵作硬語意氣碑硯真丈夫

賴有諸孫營葬地清風誰鐫首陽碑

秋懷

莫怪人呼作病翁長年藥裹媿無功夢迴左角鴻溝外
秋入南柯石火中陽九適逢當日厄大千會悟本來空
躋躋鑿井寧多事安得相攜一笑同

次韻戲答留題東山者

詩翁扶醉上危巔得意留題拂短垣嗔喜未忘春夢後
是非猶記劫灰前弓刀幾處排堅陳風月何人共小軒
失脚黃塵應有恨元龍終不羨求田

唐伯庸以詩謝作讀書林記次韻答之

塵居原不見紛華矮屋疎籬只一家雪後松筠初換葉
春深桃李自開花讀殘青竹無人到覽罷黃庭日已斜
此道已來成寂寞似君端合向人誇

鄰翁

世亂雲浮一作薄年荒虎迹多鄰翁近相戒日莫少經

過

詠蟋蟀

赤翅晶熒何處歸秋來清響傍庭闈莫言微物無情意

風虎雲龍共一機

先生年十二時從胡井表學于家塾賦此時胡大驚異賦乳燕詩以答之

云他年高拂雲霄上

莫負當年乳哺恩

山居雜題二首

山高結茅不厭低
山下如今路已迷
新月夕陽都不管
晚來愁絕數峰西

高枝密葉一時空
倚杖沈吟落木中
亂後山居無紀歷
偶來林下見西風

次韻答何判簿見寄

少駐沙邊載月舟
依依父老話平疇
霜清木落山容靜
三十六峯渾是秋

贈唐宗魯

驚飈振原野草樹日已疎客子懷故林哀鴻雲外呼九
土人相食煙塵暗長塗骨肉一分散東甌定勾吳側身
無津梁飛夢輕重湖荆璞時未珍所貴璉與瑚棠溪古
云利百鍊不受誣憂患啓明哲艱貞奮良圖熠熠草上
螢青青澗中蒲已感秋日短復悲冬夜徂陽光燭幽昧
陰壑羣生蘇歸舟泛春濤一觴酌伍胥

黃星行

八月十五夜未央中天皓月懸清光大星稀少小星沒

出門四顧山蒼蒼我生不讀甘石書但見一星明且黃
今宵不見兒童怪應隨斗柄西山外石橋徒倚聞幽香
荷葉團團大如蓋黃星明夜應復來清露為酒荷為杯
舉杯漫與黃星壽自古昆明有劫灰

洛陽劍客歌為程景陽作

洛陽古稱豪傑窟奇才劍客尤超忽漢家三十六將軍
劇孟歸來如敵國爭誇玉貝高拄頤曼胡短後供兒嬉
平生恥學一人敵胸中耿耿誰能知功名何必慙廉闡

排難解紛聲愈振白頭恨不當單于誤身竟坐封侯印
長安卿相真庸奴鬼妾鬼馬窮歡娛一朝萬事成瓦裂
金錢果為何人輸君不見洛陽劍客藏名久好盡中山
千石酒精靈變化會有時莫遣光芒射牛斗

登黃山鍊丹峰尋晉人隱處

我遊黃山當嚴冬雪消日暖無天風欲求昔人棲隱處
發興况有高僧同危矼側步目已眩絕壁下瞰心為忡
交流二澗瀉寒碧樵牧不來蘿逕窮嵯峨亂石大如屋

蹴踏豺虎登蚪龍手披灌木出林杪仰從雲際窺奇峰
中高一柱揭南斗旁扶兩岫森寒松丈湫萬木翠如織
宛宛內蓄何冲融仙靈窟宅景象異豈與下界同汙隆
姓名無傳年代遠只有藥白留遺蹤摩挲考擊三歎息
悵不並世來相從因憐李白升絕頂空吟菡萏金芙蓉
幾年戎馬暗南國眼前厭見旌旗紅脫身長往宿有願
把茆不用煩人工曹阮浮丘應好在山南山北會相逢

揚行密疑塚

荒郊石羊眠不起枯塚纍纍各相似海陵寃骨無人收
豈有兒孫來璧紙幾堆空土效曹瞞百戰江南帝徐李
龍山突兀表忠祠至今父老思錢氏

丙申冬遊黃山

夢括山林盡誅求鳥雀悲力微思引避勢迫遂相奪誤
返屠羊肆空憂漆室葵浮丘如可覓攜手訪安期

海月巖二首

踏盡崔嵬倚石門海風山月滿巖巒自言仙室依蓬島

不覺人寰變廣寒千載揚塵安可測一杯對景且為歡
巖前浴日皆詩景喚醒東坡仔細看

架巖鑿石有規模不學桃源舊畫圖亭作人稀林鳥樂
錫飛天老野雲孤雨餘石井泉深淺煙淡虎門山有無
說與山靈莫分別從教仙穴看浮屠

汪克寬環谷集

克寬字德輔一字仲裕祁門人嘗從雲峯胡炳文可堂吳仲迂朝陽吳敏學泰定丙寅中浙江鄉試次年會試論春秋與主司不合遂見黜貢待制奎深惋惜之南歸篤志著述以所居山谷環遶稱曰環谷四方學者皆曰環谷先生洪武二年召至京師與脩元史事畢特旨一班留仕以老疾力辭不受乃命禮部設宴賜白金綵緞給驛而還五年卒

年六十九德輔生而穎異其外王父為康石溪先生來視輒教之一日引羣兒浴于溪許因以對偶試羣兒乃曰童子六七人浴乎沂水德輔即應曰英雄三百輩隨我瀛洲石溪喜曰不負吾宅相矣

後果以理學名世當時推為史局布衣第一人云

清明思先壘

芳樹曉煙鶗鴂鳴澹雲暉碧漏新晴驚心時序百六日
回首家山十五程病思為魔成逆旅夢魂飛淚灑先塋

遙知兄弟溶溪上細埽松花醉麴生

和唐宰山行

山縣千峯疊間間雜嶮夸雨香魚撥刺風軟燕差池郭外耕夫耦桑中稚子嬉絃歌聲教遠民俗變澆漓

丁亥四月十四日陪尚書公澤民遊祥符寺分

得煖字

芙蓉六六森如鏟乘輿登臨寄疎散綠沈靈湫老龍蟄翠護祇園新竹短山樂鳴空石洞寒金雞舐鼎丹爐煖

鮮瘢拂拭讀殘碑一浴靈泉客塵浣

題道士張湛然彈琴詩卷

嶧山白桐千年枝金星爛爛蛇蚘皮文光七軫藍田一作
蒼

水玉冰絃細遶吳蠶絲丹山雲緩鳳凰語露草寒蛩訴

秋雨娥英泣灑湘筠斑遷客相逢話羈旅翠巖懸瀑鏘

瓊瑤雷一作春霆震霹靂轟層霄督波細萍游蕩漾碧空輕

絮飛飄颻仙林唳鶴驚離別老龍湫底吟寒月海門送

上子胥潮澎湃奔騰卷殘一作時雪羽人瀟灑頗如仙馮

虛來往黃山巔古音淨洗箏琶一作笛耳何須更濯丹砂
泉

題李營丘畫驪山老姥賜李密火星劍圖

蒲山銃額千牛客蒲鷺跨犢行無跡挂角青編一束書
夢對重瞳意相得昆吾寶劍三尺水火星炯炯精光起
花冠仙姥授神奇拜起倉皇驚更喜翠南歛血盟玉盤
龍舟錦纜誅疵瘢折簡唐公結昆弟威棱六月嚴霜寒
豈知不學萬人敵雄才空覺乾坤窄九卿裂地藏凋弓

稠桑土蝕銅花碧嵒堯古樹蒼玉林丹厓慘澹霾輕陰
龍津倏忽風雲化未須感慨荆軒心

秋後雨

楚東五月天無雲日光流金百草焚南風吹山彭蠡涸
稻畦坼坼一作灼灼占龜文木郎無神龍不起牲牢薰燎徒
紛紜梧桐一葉炎官老雷車轆轤天瓢倒波池泛溢失
高低萬穟青黃發枯槁白髮田翁半憂喜却憐久雨禾
生耳磨鎌欲穫泥濺胸累日陰霾黑千里何時木德守

三星五風十雨歌昇平

夜

玄觀空山靜秋風晚更清嵐光連霧氣松響亂泉聲竹
戶流星近蘭階落葉平夜寒人不寐獨對一燈明

鄭洪素軒集

洪字君舉號素軒有詩一卷為秀水曹侍郎溶家藏本題其簡端云是永嘉人蓋本諸賴良大雅集也而朱檢討彝尊云嘗見鮮于伯機題趙子固水仙卷稱元貞二年正月同餘杭盛元仁三衢鄭君舉觀於困學齋則君舉乃三衢人也未詳孰是俟

更考之

寄林仲實主簿

新築書齋壁未乾盟言誰信未曾寒春風不到梅花帳
曉日常懸首蓿盤鄉里總知新部曲朝廷不改舊衣冠
分明寄謝嵇中散莫把尋常冷眼看

題碧雲樓

一柱樓臺從地湧八窗圖畫自天開雨中日脚青紅暈
霧裏山容紫翠堆折木高寒天似蓋蓬萊清淺海如杯
洞簫一曲吹黃鶴肯信愁腸日九迴

和楊廉夫贈海東雲韻

祇陀樹園立孤鳳舍衛國城懸五雲衡山秀削芙蓉朵
鐵史書題星斗文日日中天寶花落時時空谷履聲聞
芸窗琢得巢雲句蘭紙烏絲寫八分

龍門避暑

龍門絕頂松風冷空翠濕衣山更深六月地爐長擁火
半窗雲影便成陰懸厓果熟猿爭樹白晝人驚鬼出林
一箇老僧飛錫去不知消息到如今

近詠二首

貔貅十萬擁孤城黃鉞將軍久控兵海上晚風春播蕩
天邊北斗夜分明憂愁自擬周婺婦出處深慙魯兩生
望斷白雲心欲折籌燈含淚讀陳情

總戎羽檄似流星將校麾旄駐野亭江水總流兒女淚
湟池空染闕長洲二月花無主茂苑千年草自青

讀罷陰符無一事如何閉戶草玄經

述懷

一春夜客傍江邨日日傷春只斷魂又見海棠飛燕子

不堪芳草怨王孫清閒幕府無公案落魄形骸付酒樽
依舊虎丘山上月多情照我白紛紛

過茜溪隱居會項從理

樹繞河隈水繞門人煙雞犬自成邨清時自保無兵甲
白屋相傳有子孫彷彿巴仙藏橘園依稀晉士入桃源
柏臺小吏吾知己日日相逢具酒樽

次王蒼雪韻五首

木蘭舟子小如梭溪口停橈繫薜蘿自擬仙人識劉阮

浪傳詩句似陰何眼中白髮王臣少夢裏青山越上多
漠漠太湖三萬頃可憐無地著漁蓑

茜溪春日淨暉暉蝴蝶雙雙上客衣流水桃花聊避世
滄江鷗鳥自忘機迢迢魏闕江湖遠渺渺吳雲日夜飛
官事有程歸未得南風吹老北山薇

此詩仿雪崖晚庭之句

驅馳不覺青春過離別只應白髮生且就東山攜月色
不禁南國動秋聲天瞻析木低雙闕星拱勾陳轉二更
庾信平生好詞賦年來哀怨不勝情

百年王業在幽風九鼎猶存澗水東共喜干戈指淮甸
兼聞仗節下崆峒青袍白馬飄零外羽扇綸巾指顧中
昨夜天公洗兵甲一江雷雨似飛洪

東閣諸郎總好文南州多士望龍門共傳江左風流遠
且喜河汾禮樂存白馬青絲歸賦詠黃花翠竹共匏樽
劉蕡一卷匡時策更待青燈細討論

遣悶

柳葉參差杏葉團桃花零落薔薇圓那知人事有今日

却憶風光似去年客路青春誰作伴庭闈白髮夢相牽
濃愁深似三江水都在滄洲白馬邊

秀上人飲綠軒

半勺滄浪歌濯纓一瓢天乳酌靈星紺雲滿漲蒲萄甕
青雨長懸瑪瑙阱不向蘇耽尋橘酒却從陸羽校茶經
西江吸盡無窮味濁世浮沈幾醉醒

賞梨花命妓行酒歌詞為賦此

賴良大雅集作嘉定嚴希德請

賞梨花命
妓行酒

瀟灑東闌一樹春雪膚冰骨月

一作玉

精神朝雲著處迷

詩夢暮雨來時想玉人華屋洗妝歌小小銀餅推枕喚

真真紫微閣

一作花

下繁華處芍藥荼蘼總後塵

唐趙顏陽一軟

障畫一美人人工人曰余神畫也亦有名曰真真呼名百日即應而下與合久之生一子友人使劍與欲斬之真

真即攜子

上畫也

過儀亭

扁舟落日過沙湖十月清霜野水枯蘋子刺船爭打鴨
小娃倚市夜當爐紅紅枸杞珊瑚出自白蘆花組練鋪

有約草堂陳孺子夜芻渾酒煮江鱸

題春江送別圖

西陵渡口山日出蘆芽青青柳枝碧龕山赭山潮東來
黃郎刺船水如席勸君勸君遲渡江柳條貫魚頰尾雙
治魚沽酒待明月人生莫作輕離別

題黃子久畫

二十年前識大癡棧榦桐帽薜蘿衣星霜老髮三千丈
梁棟遺材四十圍圖畫渾如詩句好丹砂終與道心違

宵箕永上青松樹猶覆當年白板扉

題宋元凱都市寺為中正堂畫溪山晚釣圖

百畝青山二頃田金溪南畔竹菴前紺園簷菊花香澹
寶地杪櫂樹影圓日日釣絲牽葑雨年年禪榻對茶煙
郎星昨夜明如月偏照君家書畫船

寄寧子堅

澱山湖頭鷗鳥飛謝家泖口鱖魚肥菱花正熟吳船米
荷葉新裁楚客衣鶴立瑤階毛羽整鴈來滄海簡書稀

詩囊織得天孫錦應寄南城白版扇

寄毛府判

南湖水長沒蒹葭西浦橫橋對白沙鴻鴈來時菰有米
鳳皇飛處竹無花石田賦寫張平子雲閣書通蔡少霞
零落江陵千樹橘青門猶戀故侯瓜

寄宋國瑞二首

虎豹重關錫命來麒麟高閣畫圖開七書總是平時略
三策應非濟世才玉樹無花江令老青袍似草庾郎哀

風塵滿地江湖迴都把心情付酒杯

析木天清泰運開五陵佳氣鬱崔嵬樓船盡向東溟去
天馬新從西極來一統王春行四嶽六符星象正三台
會同館客多如雨說道黃金又築臺

吳山白墖寺

江山襟帶尚依然王氣銷沈已百年八葉龍孫東渡一作

入海六宮虎士

一作絲女

北歸燕飼駝荆棘荒山

一作秋風

裏石

馬蹄苔落照邊玉柙游魂飛劫火五陵無

一作嘉

樹不啼

鶻

鳳皇報國寺

當時此地肅朝班
閭深沈虎豹關
大將偃旗奔魯壁
降王銜璧下吳山
空中萬馬浮金碧
夢裏千官擁佩環
極目長江如練帶
百年誰似白鷗閒

和謝雪坡太守詠新城

十二城樓面面開
登高送遠興悠哉
玉虹萬丈橫銀海
白鴈千行下弩臺
漂泊自憐能賦客
艱難誰識濟川才

長江不作東南限 拱北樓頭畫角哀

題馮叔才芭蕉仕女

楊花夢覺春陰陰
鳳釵綰雙黃金守宮血
冷臂如削豆蔻繭紅愁
正深羅衣熨帖沈煙縷
恨身不作雙飛羽芭蕉心折
郎未歸麗蕙花開淚如雨

浙江亭留題二首

海門潮水貫長虹
天際山形隱伏龍
南省官曹終日醉
西陵烽火隔江紅
黃金不鑄岳武貌青
史直書劉巨容

瀟灑江南哀不盡庾郎才賦若為工

江頭日暮虎成羣城北城南路不分魏闕共瞻天際日
越鄉遙見浙東雲湖山翠黛顰西子江渚旌旗望北軍
聞說漢廷將喻蜀茂陵司馬盡能文

蕭山秋興二首

閹干曲曲倚西風桂樹懸秋月正中千里功名憐檮馬
百年身世媿冥鴻天垂南斗星猶北江繞西陵水自東
撫罷吳鈎雙淚落飯牛柵蟲盡英雄甯戚遇齊桓公事
又王猛見桓公溫

談天
下事

雙杵孤砧擣客心野雲江樹障秋陰越王臺上青山小
賀監湖頭綠水深負郭已無田二頃傳家那有橘千尋
卧龍只合南陽老梁甫愁來莫浪吟

送楚良之杭州

七月仙舟泝大江滿江花雨送飛幢琳琅金鑑筆五色
天寶龍光劍一雙春透桃花青海浪秋涵桂樹白雲窗
別離最苦東曹掾醉倒沙頭玉兩缸

寄張景叔 閻欽若

衡門草深鞍馬稀
泖湖水多菱芡肥
賤買黃魚供薄食
寬裁白苧製深衣
七州聚鐵不成錯
六鷁過都甘退飛

寄謝淮南兩文學
相思新減玉腰圍

五代羅紹威殺盡牙軍勢弱悔曰聚

七州四十三縣鐵打此一首錯不成也

寄祇園師煦東白

一別東林遠法師
十年滄海夢相思
黑炤已敝猶存舌
白社雖貧尚有詩
菰米雲深鴻鴈飽
梧桐月冷鳳皇飢

台州若問狂司戶張翰湖頭兩鬢絲

寄靜菴

錢唐三百六十寺南北兩峰圖畫開三秋桂子月中落
萬里潮頭天上来金湯故國旌旗暗錦繡新城鼓角哀
大法一絲懸九鼎雨花飛繞講經臺

寄楚良

八月西山爽氣多兩峰如髻綠嵯峨蘇公堤上無楊柳
岳武墳前多薜蘿闊口烽煙苗子寨江頭風浪越郎歌

遠遊不似歸來好菱芡滿湖生白波

題張士厚四時仕女四首

繡簾壓地花陰陰鳳釵綰雙黃金飛絲千尺不墮地
絕似江南遊子心寶匣百刻煙如縷暗擲金錢卜神女
櫻桃子熟人未歸蕙蕙花開淚如雨

金盆沐曉蟠雙鴉綠紅粉汗霑蟬紗金刀取玉薄於紙
渴心欲死東陵瓜木蘭艇子沙棠楫采蓮得花葉荷葉
荷葉輕如薄倖兒蓮花酷似多情妾

梧桐月小蟾蜍蟄芙蓉露冷銅山泣金粟香懸十二闌
轆羅塵沁莓苔涵畫屏絳燭煙未銷夜深恨殺雙鸞簫
喚回金屋鴛鴦夢不到銀河烏鵲橋

霜蟾弄影窺金屋么鳳吹香絢銀燭繡羅小轆羅雙蓮
翠袖垂肩倚孤竹紅錦凍折水如車寒衣遞到長風沙
莫遣朝雲妒桃葉寄將春信與梅花

題梅花道人偃松

墨池帽脫管城子璧府磬折徂徠公玉闌金鎖掣玄豹

銅臺瑤柱蟠蒼龍星霜鬢眉遽如許鐵石肝膽將誰同
大夫受命當區堦天子法駕行東封

八月三日夜宿張景叔聽雨聯句憶張思廉

黑雲如浪沒金鴉白雨連山卷雪車觀海仙人騎赤鯉
驅雷使者躡黃蛇千莖雪溜懸銀竹一穗秋燈垂寶花
門外波濤接河漢客星光彩動靈查

寄周茂卿兼簡蔡彥文葉德新

客裏無書問起居雲間有客報新除郎官星彩聯台輔

寶劍虹光貫斗墟尊菜江湖秋渺渺芙蓉簾幕雨踈踈

東曹二妙真連璧不寄錢唐雙鯉魚

感興二首

魏山魏華岳鎮黃河漫說東南王氣多天塹波光千尺練

海門山色一青螺中台已應張華識明月空聞斛律歌

白馬青袍最蕭瑟故鄉何處是銅駝

華因台星拆被誅斛律光搖明月受

載

關陝雄藩未歃盟江淮豪傑已廬兵金盤泣下銅仙淚

璧月歌殘玉樹聲斗柄西橫文曲暗天樞北轉泰階明
小臣解著中興頌悵望黃河幾日清

映雪齋

八窗闌檻倚冰梁四座圖書貝月光眼眩欲迷黃竹賦
神遊疑在白雲鄉瓊臺花滿瀟瀟下石鼎茶煙一作浮細
細香想得哦詩清鏡裏霜娥一夜泣瀟湘

悼聖福林

掀龍舞象下西天傲睨煙霞八十年忍見瓊林凋玉樹

俄聞火井迸紅蓮草堂居士非凡客蘭若淵明是夙緣
不及生芻澆奠酒且將秋菊薦寒泉

題梅道人平林野水圖

浣花溪頭車騎發鏡湖影裏畫圖開有客相尋草堂去
何人却櫂酒船迴是處山林有真隱如此風塵無好懷
青袍不似黃冠樂二老風流安在哉

題盛叔章畫

記得天台鴈宕歸滿山松露濕人衣十年眼底無林壑

今日畫圖看翠微

周玄初來鶴詩

洪武己巳見賴良大雅集

以下

綠章朝帝駕雲車白鶴從天下玉除赤壁已無身後夢
丹丘應有寄來書五鬢松陰秋落落三花樹影夜疎疎
琴心三疊蓬萊淺兩翼剛風響佩裾

題已上人墨梅

故園梅樹三年別長憶看花溪雪晴巧出疎籬更蕭散
近遭碧水更分明揚州何遜足詩興茅屋已公無俗情

畫圖忽見轉愁絕遙想月華枝上生

幽致軒

花落晴窗燕拂檐蕙芽蘭葉翠纖纖幽谷與雲通小徑
清波四月映疎簾

大姑謠

以下見偶桓
乾坤清氣集

大姑嫁將軍小姑未有夫小姑兩脚泥大姑滿頭珠前
月小姑去嫁作莊家婦釵削爨下荆衣裁機上布大姑
嗔小姑生憎兒女癡多少馬上郎偏愛牧羊兒八月點

軍卒將軍五門出大姑詫夫婿上馬快如鶻昨日邊報
歸大姑淚如揮郎君馬上死無處寄征衣連理與枯枝
雙飛成戢翅都無百夜恩浪作千歲計小姑莊上來瓦
盆雙鯉鮈上堂拜父母夫婦恣歡諧大姑見小姑珠翠
無顏色低頭怨悵天仰天呼不得人生百年良所無白
頭相送真良圖東家女郎欲嫁夫切莫猖狂學大姑

城上烏為李僉憲賦

城上烏飛畢逋雄飛啞啞雌者呼下飲九曲之清池上

集百尺之高梧烏鳥一巢生九雛去年築城興萬夫家
家力役到妻孥使君勗我我力痛蒸豚滿筐酒滿壺作
勞耳熱歌嗚嗚今年城堅如鐵石弩臺侵弓土花碧白
雲為藩樹為戟朱旗星流落日赤馬鳴蕭蕭人寂寂六
門虎賁晨晏食城頭高高如屋極鳥朝出飛暮來息雌
雄哺雛乳而翼城上烏畢逋尾九雛羽翼成飛去青雲
裏江南無好樹處處烽煙起危枝繞遍不堪棲昨日歸
來舊巢底使君青驄馬繫在垂楊下手中金僕姑不驚

城上烏思情雙飛鳥遺愛在中吳使君去幾時回新城

高百雉仰德並崔嵬

朱希晦雲松巢集

希晦字

闕

樂清人以詩名于元季隱居瑤川與

四明吳主一簫臺趙彥銘遊詠雁山中時稱雁山

三老遭至正之亂避地所至名山勝境遊覽殆遍

洪武初始歸瑤川鬚髮皓白幅巾短策徐行林壑

望者以為神仙中人也有司嘗以姓名著薦剡不

及領朝命而卒所居曰雲松巢集因以名焉嘉靖

間七世孫玄諫選輯行世集中佳句如春日云日

陰圍碧樹風煖韻黃鶯寫懷云水滿魚兒出泥香
燕子來夏日書懷云白髮生涯人已老綠陰時節
雨偏多次竹隱二弟韻云兩袖秋風停野騎半蒿
秋水漾漁舠幽居云竹吹綠霧沾書帙花發紅雲
映藥欄所謂清麗簡亮可振唐人遺響也

秋懷

怪底浮雲翳碧空千山秋色入溟濛何當一掃羣陰盡
坐看東方片日紅

寄友

雨過溪頭鳥篆沙
溪山深處野人家
門前桃李都飛盡
又見春光到棟花

次李二丈韻

看花醉眼不須扶
花下長歌擊唾壺
回首荒城春較晚
淡煙疎雨綠平蕪

感時二首

陰霾昏日月
妖氣塞乾坤
戰血流淮水
音塵隔薊門
浮

榮槐蠻集叢謗棘蠅喧欲效東陵隱終身老種園

觸目傷時事干戈鬱未開百年馳白日萬里漲黃埃廢
苑猶花柳荒城但草萊登樓作賦罷不獨仲宣哀

時事

貧病知交態驅馳愧老身薊門深雨雪淮海暗風塵雖
有樓船將能無柱石臣會須安反側早晚畫麒麟

感懷

自笑嘆一作頹然一老翁十年奔走鬢飛蓬中原虎鬪千

戈滿四海人憂杼軸空葛亮平生恢復計汾陽材畧中
興功何當遠望春陵郭佳氣朝來正鬱葱

秋興

月明何處亂啼鳥坐久徒憐永夜徂千里闊山雙雪鬢
百年城郭半煙蕪穆生謝病先辭楚張翰知機遠憶吳
春晚不如歸隱好故山隨處且樵蘇

寄周廷石

門外曾無長者車一身奔走豈安居誰憐杜老常為客

我怪洪喬不寄書煙色春歸楊柳底雨香紅入杏花初
溪山只尺風塵隔却憶情人會面疎

有所思

虛聞將帥擁彫戈勇銳誰如馬伏波幾處烽煙連夜急
四郊風雨向秋多最憐絕漢歌黃鵠却怪長安麌紫駝
俯仰乾坤增感慨悠悠身世定如何

傷時

流年華髮兩相催眼底煙塵鬱不開太息有人趨玉食

可憐無地築金臺
城邊向晚黃孤立
海外何年白雉來
萬事何如一醉好
且須洗盞酌春醅

自嘆

近石搜林棄樗散不材何敢玷簪裾
家貧麤有千金弔國難曾無一箭書
今日總戎師管葛明時徵士用嚴徐
野人不作功名念欲效陶朱共養魚

次韻簡緜緜山侯德詢徽之二徵士

幽尋杖策遶林泉隨處遨遊興灑然
曾向山中招隱士

欲來海上候神仙，雲深丹竈長。瑤草水滿石池生，碧蓮薄暮凭闌時。送目白鷗飛雪點江煙。

和韻簡天則上人

涼風嫋嫋晚秋天，潮落雙門纜客船。
永嘉郡城北有二門，郭璞所立，名雙門。
九陌黃塵蓬鬢底，一離香露菊花邊。故鄉鱸鮆牽歸思，近砌蛩聲攬夜眠。不道分攜成遠別，幾時林下細談禪。

訪雙溪上人不遇

雙澗縈迴石徑微煙嵐分翠濕人衣松林夜靜鶴初睡
花院日長僧未歸萬里雲霄飛錫遠半江風浪渡杯遲
無緣相見空相憶自嘆心期與願違

臘日偕葉東白蔡伯恭登西岑

絕頂雲深一徑通寒生白髮怯天風千年物色闌干外
萬井人家圖畫中宿雨亂滋嵐樹碧朝暾深浴海波紅
我來欲訪香山社醉酒長吟憶遠公

比述二首

寶鏡何團圓光輝瑩冰雪疑是造化爐神功初鑄出又
疑廣寒宮飛墮一片月照人不照心紅顏易衰歇

形弓如半月力挽二石強戡亂乃見用橐鞬寧久藏應
弦不虛發狐兔焉敢當疇能挾長矢為我殪天狼

納涼

無事解衣坐超然心境空深林翳炎日萬壑來天風間
停白羽扇試拂朱絲桐醉罷不知夕月生滄海東

自述

槿花不終朝幽蘭有餘香朝遊詩書圃夕憩翰墨場飽食待秋實過眼捐春芳疇能事形役奔走白日忙男兒生墮地壯志在四方胡為守一室鬱鬱徒悲傷何由寫胸臆酣酒竭罍觴高飛羨黃鵠矯翮凌雲蒼

寫懷

巢居不厭客况乃佳客至擗蔬薦濁醪談經得真趣歸雲度遙岑斜日在高樹對飲須盡歡何時復相遇人生能幾何行樂貴適意不見萍與蓬飄飄無定處搔首仍

踟蹰臨風發長喟

冬雨嘆

癸卯冬十月海陬氣候偏風南忽風北寒燠非常年縕
袍御還脫長箋揮不捐胡為黃落時花卉紛爭妍蟲鳴
應蟄戶虹見飲長川兼旬苦霧密暝與癡雲連深泥汚
后土行潦凌高原農夫輶未耜勞嘆心忉忉二麥不得
種飢坑詎能填格鬪况未息中原擁戈鋌天家重租稅
瘡痏誰能憐安得倚天劒一掃開青天金烏任騰翥出

自扶桑顛陽光照六合比屋俱歡然

月夜放歌

海雲卷盡明月來天光鏡碧無纖埃嘯歌于此興不淺
美人對坐飛瓊杯碧桃花香夜初靜露滴衣裳怯清冷
安得兩翼飛上天為渠拂拭山河影乾坤一照越光明
就中殺却妖墓精上訴天公契人意免教朔望生虧盈
玄霜擣成誰可食好向仙娥問消息服之到老無飢渴
贏得讀書眼常碧

客邸中秋對月

去年中秋秋月圓浩歌對酒清無眠煙霏滅盡人境寂
仰看明月懸中天今年客裏中秋月靜挹金波更清絕
可憐有月客無酒不照歡娛照離別夜闌淅淅西風涼
月中老桂吹天香悠然長嘯動歸興坐久零露沾衣裳
浮世悲憊何足數庾樓赤壁俱塵土風流已往明日來
山色江聲自今古

答元易陳先生

人生自古多離別
尺書遠寄何由徹
短世光陰過隙駒
坐覺朱顏易衰歇
君看喬嶽千尺松挺立
蒼然傲霜雪
風來彷彿蒼龍吟
六月清寒換炎熱
槿花雖榮不足論
朝開暮落香已絕
只今尚憶江湖遊
扣舷一歌寬我憂
腰間老劒欲飛動
紫氣鬱鬱橫清秋
虛名役人浪自苦
黃塵兩鬢風颼颼
千古乾坤等逆旅
百年生死同浮沤
君不見鷗子功成去
養魚千頭

簡子文林訓導

東風落盡辛夸花遙憶美人天一涯
美人久別音信杳
想見只今霜鬢華山房幽深市囂遠
白日枕書眠碧霞
崖高瀑布灑晴雪淨筭石鼎烹春茶
平生青紫不挂眼
榮名絆人安足誇當年我來訪遺跡
拄杖看雲著雙屐
玉簫吹斷鳳不來但見千峰倚天碧
臺前日夜溪水流
金星光動溪中石色志西溪有金星
石石點點如金星脫身擬欲恣幽棲
坐占瓊臺煉金液衰年悞墮塵網中
齒豁頭童竟何益

和包原彬韻

旅食京華日鶯啼上苑春魯連惟仗義范叔不辭貧絕
域來龍馬清時出鳳麟襟懷開霽月談笑接清塵滄海
三珠樹青霄五色雲酒傾香味別詩寫性情真吳地追
遊好龍山入夢頻煙花如媚客風雨似留人男子生何
幸朋友素有因遙知理歸棹隨處覓通津

倚韻自况呈金敬德

顧我衰顏肯再妍白駒過隙歎流年山中賸有誅茅地
洲上寧無種橘田天姥遙連雙闕下蓬萊祇在五雲邊

老夫不識神仙術且解荷衣枕石眠

吳志淳主一集

志淳字主一以字行無為州人以父廕歷官靖安
都昌二縣簿濠泗兵起徙家豫章徙居鄞之東湖
奏除待制翰林為權倖所阻入明遂不仕主一工
古隸學孫叔敖碑詩宗唐人如晚涼浴罷閒無事
水閣東頭看月生瞿存齋極歎賞以為主一得意
之句也

白楊行并序

真定劉生客死閩中同行者為歸其骨其妻胡氏
自圖夫容以祀因哭而絕鄰人憐之遂合葬鍾陵
東門故又號鍾陵行

鍾陵東門白楊樹行人指點是雙墓墓中夫婦俱少年
一雙白璧蓮黃泉黃泉相逢語嗚咽一一從前向郎說
前年郎去客三山今年郎歸白骨還當時自畫蛾眉樣
今日却寫郎容顏容顏轉似心轉切叫郎不應心斷絕
生時不得逐郎行死時却與郎同穴丹青遺像留人間

年年淚竹寒生斑
當年曾過延平渡
還見雙龍化劍灣
堂前既無父與母
堂下又無兒與女
使妾有子堂有姑
丹心一寸那能枯
六朝盛事付流水
忠義幾人能到底
秋風月冷鳳皇來
與郎同上吹簫臺

兒牧牛

兒牧牛
豐林清潤縱爾游
長鞭短策莫輕舉
從渠飲醬飽即休
老幼年年仰衣食
耕種田園藉牛力
早夜單衣自飯之
祇恐春來或牛瘠
日日丁寧語牧兒
老翁餉爾

當及時籠禽吹笛任相學慎勿將牛嘗告之牛不耕田
廩無粟淮上二年食人肉

春日遣懷

貧病相兼氣未舒田園雖少樂耕鉏為儒已入他州籍
垂老頻收故國書夜雨湖山人去後春風門巷燕來初
潘生喜遂閒居志阮籍從教禮法疎

夏日園中清暑二首

青山地僻車馬稀十載倦游歌式微傍溪卜築面流水

拂石展簟消炎暉老翁過從就蔬食幼女補綴成緺衣
西亭去家苦不遠日暮共逐漁樵歸

東湖萬頃波渺茫人家多在雲水鄉竹枝調短阿家女
桃葉歌長何處郎疎林歸鳥度花影近水流螢浮竹光
東山坐待月已出不覺涼露霑衣裳

春游三首

湖上輕風吹柳絲湖邊細雨濕花枝百年總有三萬日
一日都來十二時杜老每尋崔氏宅山翁偏愛習家池

乘閒取醉真吾事度水看花也自奇

山中蘭麝香滿林故人清游能遠尋燕來已覺社日近
寒退始知春意深山光入眼凝遠翠華影到湖生夕陰
慈雲只尺不一去薄莫還家空復吟

上日開筵曲水濱年年相憶在茲辰千家榆火催寒食
萬點楊花照暮春紫燕却歸尋舊主黃鸝到處喚遊人
東來巢父如相問為覓風流賀季真

鄭元明高啓文攜友人所畫谷口圖訪予湖山

未幾啓文先入城府元明獨留僧舍一月講明
古今詩文墨制及秦漢以來書法歲晚將歸永
嘉賦餞

竟日過從喜有餘蕭蕭行李借僧居江雲影落山窗靜
野水光涵夜月虛石臼松煙和露擣寒林柿葉帶霜書
天涯回首多離思空有新詩獨起予

閒居東湖述懷

野叟耕鉏喜近郊柴門風雨夜蕭騷卧龍豈欲煩三顧

老鶴長鳴向九皋北闕湛恩新賜爵近臣傳敕舊同袍
自憐經濟全無術祇有山林興最高

題小山水景二首

十年小隱在青山喜有東湖屋數間門外白雲常在眼
此身渾似釣舟閒

小舟何處問通津二月東湖柳色新老向天涯頻見畫
一枝曾折送行人

宿龍菴懷友

高情久矣念離羣獨向山中禮白雲龍送雨來留客住
鹿銜花去與僧分疎星出竹昏時見流水鳴渠靜夜聞
却憶故人江海去題詩誰是鮑參軍

日湖

玉几東來浮野色錦溪西下接湖光道人燕坐心如水
六月荷花鏡裏香

甘復山窗餘豪

復字克敬餘干人至正之亂張仲舉僑居雲錦山
中克敬與甘彥初張可立往從之游仲舉少許可
于三君獨加重焉洪武初三君皆以前元遺才為
士林推重當時評彥初詩如美女簪花可立詩如
貞女守節克敬篇什散漫僅存手墨于同里趙石
蒲成化中其孫琥始刻行世邑人劉憲序之謂其
詩俊逸清奇宜為士林推重也

道中

野風飄征衣
野日轉空辟
衆鳥號荒墟
雜花翳叢棘
路暗不逢人
煙火望林隙

宿山家

木落秋滿山
窗虛夜涼集
風吹海月生
露洗苔衣濕
野客愛清冷
長瓢暝中汲

晚至陳氏館

虛煙散華池
高蟬莫聲咽
落景對閒眠
新秋入華髮
素

襄愜幽賞微颺洒林末為愛竹間涼相過步庭月

曉起

晨暉澹芳牖穎氣盈幽襟巖谷有秋意西風吹滿林獨
擲高館罷暢游南澗潯漱齒掬寒瀨矯首望孤岑悠然
釋百慮侶得靜者心磴轉入茂樹衆山坐來深

晚出池上

遙嶺散夕雨掩書游方塘棲鳥喧幽林簷蛛引絲長木
杪微風度颭然生早涼沿流弄潺湲倚竹聽琳琅丘園

信為樂圭組永相忘落景送遐矚暘懷寓清觴但得寫
心素焉知兩鬢蒼

送別

涼飈應秋氣草木歛華英客遊總念歸子有千里行息
息傳侶催悄悄離思盈丈夫懷志氣孰不戀榮名華薦
起當路使者促前征追餞東門道把酒哀絃鳴蕭條野
驛莫泛艤江波清密謀植帷幄慰彼蒼生情古來盛名
士多是起釣耕

山堂詩為周伯清賦

清旭崇林坳
踈籬翠澗上
細路經谷虛
幽軒面林敞樹
涼集鳴禽地
遠謝塵鞅下手
拂玉琴微風遞
遙響冷然適素懷
聊以寄心賞

送趙文昭之沔陽知事

王孫應時辟長才
屈卑宦風煙塞川
路舟楫望江漢親
友不能別離居忍分散
振跡林野隅行李書策半山川
戰伐蹤勝槩溢文翰幕府慎籌畫
機務貴奇斷況彼古

沔城民生經喪亂不有君子人何以解愁嘆雲薄九疑
峯水自湘靈岸念君遠行役默默動離怨

登東皋

日夕登東皋東皋樹參差回首望故園天闊雲空垂閭
里孰不念旅游孰不悲大川風波盛遠道豺虎飢上興
杞國憂下肆楚狂癡苦遭事物役不覺歲月馳年少誦
經史素心在濟時漂蕩無定迹神隳意若疲從以業耕

作閑

歌古詞

曉出西園由谷中歸

披褐涉西園
煩襟散清曉
微風動高樹
零露下芳沼
始行幽谷中
忽出青林杪
流水漂餘花
修筠度啼鳥
身緣翠石迴
思逐白雲杳
負杖孤賞懷
春闌綠陰悄

吳海聞過齋集

海字朝宗閩縣人博學負氣節為宣城貢尚書師
泰晉安林學士泉生所推重性不悅流俗慕鄒魯
之風徙居不克因自號魯客世遭喪亂家益貧甚
扁其齋曰聞過學者稱曰聞過先生洪武初部使
者欲薦於朝力辭不出素與永福王翰友善翰死
節後為經紀其家撫孤偁教之所著有命本錄其
為文嚴整雅奧而歸諸理歿後偁為編次曰聞過

齋集邑人邵銅重為刊行於世

送傅德謙還臨川

傳君隘流俗舉步追古人古人去已遠斯道為荆榛出
門抱高志區區向誰陳十年江海上漂泊但一身念我
德不孤邂逅遂見親相知寧苦晚不覺逾三春精微共
探討議論發清新誼合然諾重途窮憂思頻如何語離
別使我意酸辛酸辛不在別欲留我何貧閩水東赴海
楚山西入秦春波正浩蕩誰能知其津

遊郎官峰

連山如波濤高峯盪雲日萃然孤杓聳其勢孰可匹危
攀將欲飛俯瞰覺自失羅田幾聚落端坐見纖悉南延
川源深北望海水出處高視益遠縮地豈有術天寒霜
露交收穫事已畢仍年蝗旱餘民物盡蕭瑟遭茲得非
幸惆悵寧具述

遊七巖寺同行諸君子

羅田衆山中七巖獨高秀經營將半載宿願始得副緣

雲攀鳥道十步九欹欹剛颺從北來巖谷盡號噭促步
赴層巔依石避野燒鬱然煙燄交欵若雷電遙其勢吁
可畏僮僕盡驚走須臾得少息方覺性命有列坐咸自
慶啗哉酌大斗陰陽却變化霏雨垂白晝癡雲迷海嶼
昏霧失林藪歸途畏虎迹慘慘暝色厚幽懷莫能寫造
次宜自咎述此成短章聊用紀邂逅

夏日燕東皋亭

展席俯清池倚檻盼層巒苗綠滿平疇草秀被長坂風

度荷氣清日移樹陰轉長笑天為高汎觀心自遠良時
會豈易莫待歲華晚

楊翮佩玉齋類橐

翮字文舉上元人父剛中字志行大德間仕至翰林待制卒有霜月橐翮初為江浙行省掾至正六年官休寧主簿歷江浙儒學提舉遷太常博士卒按文舉所著有佩玉齋類橐刻於至正間陳衆仲虞伯生楊廉夫皆為之序而劉仔肩別採其詩入皇明雅頌正音又楊基眉菴集悼楊文舉博士詩有云白髮蒼髯老奉常亂離終喜得還鄉知其卒

於洪武初也

送唐伯庸二首

江南一何秀寄語北人道翡翠戲蘭苕奈此顏色好
諸父紆組綬翁媼被封爵盛年得逢此光耀殊不惡

送孔進道宰星子

素王有賢孫達尊在德齒爵膺天子命綰綬宰百里南
康控湖江屬縣望星子江右號崑崙斯地獨醇美帝眷
禮義俗擇令煩為理惟君當厥任君志亦願喜揚颿遡

洪濤巨艦千圖史牛刀新發硎割雞聊用此撫字定多
暇弦歌自今始廉車察殿最衡鑑在止水會採襦袴謠
移書上風紀

送索都事赴浙東僉憲

挾策事明主出入承明廬一為淮南賓_父藉籍播清譽制
詔擢御史行臺在東吳間歲陞幕府遄聞復超除賓客
出相送餞飲西城陬持節往何之直指婺女墟東甌杭
於越會稽薄海嶧行部列郡中山川鬱盤紆長吏走上

謁縣令為前驅駟馬何奕奕高蓋擁路衢觀者咸歎息
云是今大儒誰言鍾鼎貴曾不由詩書區區刀筆吏安

閼
過亨塗

上巳日燕飲

閒居瞻芳春况乃脩禊時羣賢畢傾蓋招宴酬素期華
館挹奇觀嘉席延多儀蘭芬揚光風藻色涵晴漪末座
聆高談雅抱攢遐思雖微絲與竹清興良足怡畫舸弱
中沚繁聲流四涯俗情豈無樂斯意非所知千載一勝

賞繼此當復誰達者解其會浩飲寧須辭

金谿縣孝女廟樂歌三章并序

有元至正元年撫州路金谿縣新作二孝女廟成
按二孝女姓葛氏在唐寶曆間以官責其父祐虧
鍊白金事不勝暴酷皆發恚投治中焚死父因獲
免并其邑除坑治之害以迄於今是宜血食其土
矣國子博士吳君師道既文之石而祀神之詩闋
焉上元揚翮撰為樂歌三章俾金谿之民歲時歌

之以祠孝女其辭曰

靈之來兮兩旗張導旌幢兮銛琳琅續曠曖兮相頡頏
並輜輶兮歸故鄉歸故鄉兮民所望昭肸蠁兮忽洋洋
庭燎輝兮夜未央椒蘭發兮鬱芬芳民報祀兮弗敢忘
心屏營兮咸肅將靈格思兮民樂康

靈之留兮澹容與雲凝凝兮翳堂宇瓊筵陳兮合簫鼓
列尊罍兮酌清醑牲肥腯兮承雕俎女巫進兮嗟屢舞
誦神德兮歌頌舉孰捐軀兮悟時主齊英英兮惟孝女

繼茲今兮饗終古靈醉飽兮民樂胥

靈之去兮將安之儼欲旋兮疾上馳互招搖兮爛祈祈
遵雲路兮眷威遲金有賦兮地不遺竭貲產兮民力罷
我邑井兮咸熙熙賴神惠兮獨弗罹千萬裸兮神是稽
薦蕡藻兮答神釐靈遄逝兮民聿思

春遊次韻

以推頌正音下見皇明

白日諒難羈流光遽侵尋春風萬餘里觸景愁我心出

門將何之高步凌區嶽纍纍邱冢間古木殊陰森昔賢

日已遠朱瑟尚遺音千秋百歲後有酒不可斟傷哉雍
門語感之淚霑襟榮名安足羨行樂須在今夙興聽鴻
鴈噭噭尚哀吟

題徐熙桃花鸚鵡圖

海上紅雲日日新碧鸞無夢識芳塵金籠不鎖閒鸚鵡
占得東風一段春

寄于清叔二首

暖沁香篝宿火溫絳紗紅燭照黃昏自憐不廢千金夜

帳底吹笙倒玉尊

梅花亂落雪紛紛兩袖東風酒半醺春月滿堂歌舞散
高情渾欲夢梨雲

酬孔秀才

達人樂高蹈寒士耽遠遊遠遊欲何之禦冬無重裘栖
栖道路間四顧誰與謀溫言忽相慰慶愜復焉求三復
緇衣詩調高安能酬薄言寫心曲終覺懷慚羞

遊廣教寺次李生韻

勝日款禪宮蒼苔印屐蹤雲間聞梵語煙外聽齋鐘樹
列千年檜林深百尺松明珠光錯落幽壑舞驪龍

題李德瞻壁間相看不厭圖

窗前圖畫勝玄闕怪石長松九夏寒寄語山靈休厭客
清風明月好相看

沈右清輝樓臺

右字仲說號御齋吳中世家能略去豪習刻志詩書與縉紳先生遊恂恂若諸生年四十無子買一妾頗父因問知為故人范復初女即召其母擇婿厚嫁之晚歲仍舉一子所居東林有樓曰清輝王子充陳敬初為記文學行誼一時重之

春暉樓者吳下一作郡顧君仲瑛就養讀書之所也仲瑛日與昆弟子姪奉卮酒為親壽臨海陳

敬初氏實記之余不自揆輒賦古詩二首或者
歌以介壽仲瑛之志也其詞曰

玉山之陽延崿紫紆有屋層出君子之居入奉父母出
與弟俱有琴有書以釣以漁虢虢流水深一作則可斗
英英白雲邇而一作則不迂維春有暉維德不孤及爾孫
子永言樂胥

先哲有訓有典有經淑爾君子仰止景行我來自東春
日載明曰未覩止中心怦怦亦既覩止我心則平仰爾

父母及爾弟兄既和且煦令儀令名升堂拜母式表友
情維木有椿有蔚其榮維草有萱有芷其青韋韋常棣
有葉其生有猗者蘭有鄂者荆有懿者德有休者徵樂
只君子百福來并

次韻叔方先生兼簡伯行敬初二首

憶昔陪二子吟嘯野亭中風急江花白霜晴木葉紅去
留身若寄陶寫興無窮更喜陳夫子幽尋訝許同
掩卷坐忘寐書燈耿獨明年華勞髮改夜氣與神清感

夢疑蕉鹿桃愁賴麌生何時重相覓握手話真情

次留笠澤別業詩

步牒春風裏翛然忘世情閒門無客到載酒泛江行雨
過山如染潮迴水自生鷗沙割千頃夢不到承明

顧仲贊移居詩次叔方先生韻

城南陋巷居新僦綠竹移來幾箇斜叢桂山中招舊隱
讀書堆裏認君家蜀人謾詫文園賦吳市爭看衛玠車
斷簡味腴如啖蔗虎頭癡絕至今誇

叔方先生過詠歸亭二首

短櫂相過莫便回
詠歸亭上且低徊
升堂拜母稱觴後
隔竹呼童瀹茗來
八尺駝尼分紫錦
一雙蠟屐破蒼苔
空江草木雖搖落
猶有寒花帶雨開

積雨空林喜報晴
杖藜隨意傍江行
天寒木落青山出
日轉沙虛白鳥鳴
漫擬東林時釀黍
自憐南畝晚歸耕
頽川高士能相遇
閒把瑤琴膝上橫

來鶴詩贈周玄初

緘誠上達魏元君俄頃神霄下鶴羣頂鍊大還丹鼎火
翅霑南嶽嶺頭雲仙人騏驥秋風遠王子笙簫午夜聞
惆悵世間留不住却驂鸞鶴出霞雰

中酒雜詩四句五首

中酒如卧病天寒露為霜東軒候朝旭暴背屢移牀
江頭風浪急舟小力難勝一糲歸來晚長林月已恒
太丘海岱士肆情丘壑間考槃詩賦罷采菊對南山
歲閏寒酒薄風迴水自生杖藜隨小步極目大江橫

朋酒享公堂農家盡滌場縣官薄稅歛田野足耕桑

和西湖竹枝詞

勸郎莫向花下迷勸郎莫待醉如泥臨行更有分明語
枝上流鶯休亂啼

題高尚書秋山暮靄圖

高侯筆法妙天下貌得江南雨後山都是乾坤清淑氣
興來移入畫圖間

與慎獨先生

東林薄酒試新嘗中有松花膩粉香遣送潁川陳有道

書齋渴飲勝茶湯

廿八字借一壺薄酒奉寄上惜不多耳楊誠齋文橐不曾收得所謂芍藥

屋疑只是用幄布覆護者古人稱牡丹為木芍藥白居易有詩云上張幕屋莊豈亦本諸此未審是否更乞考

右





總校官候補中書臣吳紹灝
校對官檢討臣蕭九成
謄錄貢生臣傅瓊芳